

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-1-Z/24
Kakanj, 02.12.2024. godine

Z A P I S N I K
sa konstituirajuće sjednice Općinskog vijeća održane 02.12.2024. godine (ponedjeljak)
sali Općinskog vijeća sa početkom u 09:00 sati
(sažetak zapisnika)

Na početku konstituirajuće sjednice Općinskog vijeća intonirana je himna Bosne i Hercegovine.

U skladu sa odredbama Statuta Općine Kakanj, sjednicom je predsjedavao Slaven Katičić, predsjedavajući Općinskog vijeća iz prethodnog saziva.

Predsjedavajući Općinskog vijeća je otvorio konstituirajuću sjednicu, pozdravio prisutne: općinskog načelnika, novoizabrane vijećnike, medije i ostale prisutne na sjednici.

Predsjedavajući je čestitao na izboru općinskom načelniku i općinskim vijećnicima te pozvao, predsjednika OIK-a, gospodina Čizmić Ernada da pristupi uručanju Uvjerenja Centralne izborne komisije BiH o dodjeli mandata vijećnicima Općinskog vijeća.

Predsjednik OIK-a je pozdravio prisutne i predstavio potvrđene rezultate Lokalnih izbora 2024 za osnovnu izbornu jedinicu Kakanj, navodeći da je za načelnika Općine Kakanj izabran g-din Mirnes Bajtarević, te je ispred OIK-e Kakanj čestitao kandidatima osvojene mandate i zaželio uspješan rad.

Predsjednik OIK-a je nakon čestitke pristupio uručanju Uvjerenja vijećnicima poslije čega su vijećnici potpisali potvrde o prijemu Uvjerenja i izjave o prihvatanju mandata.

Uslijedio je čin davanja svečane izjave.

Predsjedavajući je pozvao općinskog načelnika da se obrati Vijeću.

Općinski načelnik: se zahvalio prethodnom sazivu Općinskog vijeća na korektnoj i uspješnoj saradnji, te je također novoizabranim vijećnicima čestitao na izboru, poželio sreću i uspjeh u ovom mandatu. Rekao je da su mnogi procesi započeti u proteklom četverogodišnjem mandatu, mnogi su nastavljeni, a mnogi i završeni. Dalje je rekao da Vijeće i načelnika očekuju nove aktivnosti, projekti, izazovi i procesi, pa je u tom smislu pozvao sve da prilikom rada i djelovanja u narednom mandatu, u svim situacijama, stave opšte ispred vlastitih interesa. Naglasio je da vjeruje da svi imaju isti cilj, bolji i ugodniji život stanovnika Kakanja.

Pristupilo se utvrđivanju kvoruma, a predsjedavajući je konstatovao da je na konstituirajućoj sjednici prisutno 29 vijećnika, nedostaje vijećnik Armin Bašić (DF) zbog privatnih razloga, te da su se stekli svi potrebni uvjeti za validan rad i odlučivanje Općinskog vijeća.

Prisutni vijećnici:

Hamza Vahid El-Din, Amel Kusić, Tarik Hodžić, Dženan Ajdinović, Mustafa Subašić, Edin Čatić, Sanda Hasagić-Terzić, Ilhana Alajbegović, Izudin Hrusto i Ilda Arnautović (**SDA**)

Irna Imamović, Sanel Šabanović, Adem Bečirhodžić, Edin Šljivo, Mensur Čehajić, Senad Softić i Vinka Aletović (**SDP BiH**)

Adnan Demir, Mirnes Pipo i Mensur Bliznović (**Nezavisna lista Novo vrijeme**)
Dževdet Huskić i Branko Češljčić (**Naša stranka**)

Mirsad Tursum i Fahrudin Buza (**NiP**)

Rešad Merdić (**S BiH**)

Slaven Katičić (**HDZ BiH**)

Mujo Fafulić (**nacionalne manjine**)

Pored vijećnika sjednici su prisustvovali:

Mirnes Bajtarević, općinski načelnik

Emir Zaimović, sekretar Općinskog vijeća

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Mukades Delibašić, pomoćnik općinskog načelnika za imovinskopravne, geodetske poslove i katastar nekretnina

Mahir Sikira, šef Stručne službe za poslove Općinskog načelnika

Izudin Puščul, direktor Zavoda za planiranje i izgradnju

Izvjestioci, obrađivači, gosti:

Ernad Čizmić i Amer Hadžić, predsjednik i član OIK-a

Mirnes Bašić i Adi Kubat, predsjednici OO SDA i SDP Kakanj

Mladen Marijanac, predstavnik OSCE-a

Predstavnici medija:

NTV IC Kakanj

Radio Kakanj

Kakanj Live

Predsjedavajući je za konstituirajuću sjednicu predložio slijedeći dnevni red:

1. **Imenovanje Komisije za izbor i imenovanja Općinskog vijeća**
2. **Izbor predsjedavajućeg Općinskog vijeća**
3. **Izbor zamjenika predsjedavajućeg Općinskog vijeća**
4. **Izvještaj Općinske izborne komisije o održanim Lokalnim izborima 06.10.2024. godine**

Kako nije bilo prijavljenih za diskusiju o dnevnom redu predsjedavajući je stavio prijedlog dnevnog reda na glasanje, te je konstatovao da je isti usvojen jednoglasno sa 29 glasova ZA.

Predsjedavajući je dao pauzu u radu Vijeća u trajanju od 10' u cilju utvrđivanja prijedloga kandidata za članove Komisije za izbor i imenovanja Općinskog vijeća.

1. Imenovanje Komisije za izbor i imenovanja Općinskog vijeća

Predsjedavajući je nakon pauze pročitao prijedlog Kolegija za članove Komisije za izbor i imenovanje:

1. Hamza Vahid El-Din – predsjednik;
2. Adem Bečirhodžić – zamjenik predsjednika;
3. Vinka Aletović – član;
4. Mujo Fafulić – član;
5. Slaven Katičić – član.

Nije bilo prijavljenih za diskusiju po iznesenom prijedlogu pa je Vijeće usvojilo Rješenje o imenovanju Komisije za izbor i imenovanja u predloženom sastavu sa 21 glasom ZA, 5 glasova PROTIV i 3 glasa UZDRŽAN.

Predsjedavajući je predložio da Vijeće vodi objedinjenu raspravu po tačkama 2 i 3. dnevnog reda, a da se glasanje obavi pojedinačno.

2. Izbor predsjedavajućeg Općinskog vijeća

3. Izbor zamjenika predsjedavajućeg Općinskog vijeća

Uslijedila je pauza od 10' u radu Vijeća radi utvrđivanja prijedloga za predsjedavajućeg i zamjenika predsjedavajućeg Općinskog vijeća.

Nakon pauze riječ je dobio predsjednik Komisije za izbor i imenovanja.

Hamza Vahid El-Din: je rekao da Komisija jednoglasno za predsjedavajućeg Općinskog vijeća predlaže Slavena Katičića koji je po nacionalnosti Hrvat, čime je ispunjena zakonska obaveza da općinski načelnik i predsjedavajući Vijeća ne mogu biti iz istog naroda, a da je prijedlog Komisije za zamjenika predsjedavajućeg Općinskog vijeća Sanel Šabanović.

Nije bilo diskusije po ovim tačkama dnevnog reda, pa je predsjedavajući prijedloge Komisije za izbor i imenovanje stavio na glasanje. Nakon glasanja konstatovao je da je Vijeće usvojilo Odluku o izboru Katičić Slavena za predsjedavajućeg Općinskog vijeća sa 23 glasa ZA, bez glasova PROTIV i 6 glasova UZDRŽAN, te je usvojena Odluka o izboru Šabanović Sanela za zamjenika predsjedavajućeg Općinskog vijeća sa 21 glasom ZA, bez glasova PROTIV i 8 glasova UZDRŽAN.

Predsjedavajući je pozvao zamjenika predsjedavajućeg da zauzme svoju poziciju.

4. Izvještaj Općinske izborne komisije o održanim Lokalnim izborima 06.10.2024. godine

Izvjetilac: Ernad Čizmić, predsjednik OIK-a

Obrađivač i predlagач: Općinska izborna komisija Kakanj

U diskusiji je učestvovao Dževdet Huskić.

Dževdet Huskić: je čestitao svima na osvojenim mandatima i zaželio uspješan rad i saradnju u predstojećem mandatu. Pohvalio je rad OIK-a i ocijenio impresivnim rad Komisije, te je čestitao na domaćinskom trošenju dodijeljenih sredstava. Rekao je da na provedeni izborni proces nema pretjeranih primjedbi što dokazuje i činjenica da nije bilo podnesenih pismenih primjedbi. Dao je par tehničkih sugestija s ciljem da se iste otklone u narednim izbornim postupcima. U tom smislu je rekao da NS nije bila obaviještena o ponovljenom žrijebanju, što ne smatra zlonamjernim, ali je radi otklanjanja svih mogućih sumnji predložio da se ubuduće praktikuje pozivanje telefonom, kako bi se spriječilo pojavljivanje teorija zavjere koje realno nemaju nikakvog osnova. Dalje je predložio da se prilikom predaje spiskova posmatrača u OIK izvrši kontrolisanje urednosti (potpunosti) predate dokumentacije. To u cilju da se izbjegnu situacije da se naknadno utvrdi da neki politički subjekt nije predao urednu dokumentaciju, što se ovog puta desilo NS, zbog čega su ostali bez tri posmatrača. Smatra da je u pitanju neki previd, jer je od strane političkog subjekta NS sva dokumentacija detaljno pregledana prije predaje, čak i više puta. Na kraju je sugerisao da je u Izvještaju OIK-a trebalo da stoji da li su nezavisni posmatrači (Koalicija „Pod lupom“, posmatrači OSCE-a i EU misije u BiH) zabilježili bilo kakve nepravilnosti u izbornom procesu, obzirom da je u Izvještaju konstatovano da su bili prisutni i nadzirali izborni proces.

Nakon diskusije Vijeća je usvojilo Zaključak o prihvatanju Izvještaja Općinske izborne komisije o održanim Lokalnim izborima 2024. godine, sa 27 glasova ZA, bez glasova PROTIV i 2 glasa UZDRŽAN.

Na kraju sjednice predsjedavajući je prezentirao vijećnicima nekoliko tehničkih napomena vezano za rad na sjednicama Vijeća tokom predstojećeg mandata. U tom smislu je rekao da su vijećnici na klupama dobili akte kojima se rukovodi organ, a to su: Statut Općine Kakanj, Poslovnik o radu Općinskog vijeća i

Etički kodeks za izabrane zvaničnike. Još je rekao da se na sjednici glasalo sa pločicama, dok će se od naredne sjednice glasati elektronskim putem – tabletima. Vijećnici neće kao dosad zaduživati uređaje (tablete) već će ih isti čekati na klupama i ostajati na klupama nakon završetka sjednice. Svaki tablet je vezan za vijećnika i njegovo glasanje, pa će raspored sjedenja biti fiksna kako bi administratori mogli pripremiti tablete za rad prije početka svake naredne sjednice. Iz tog razloga vijećnici trebaju sjediti na istom mjestu i idući i svaki naredni put. Na kraju je podsjetio da su klubovi političkih subjekata u Općinskom vijeću dužni dostaviti akt političkog subjekta kojim se imenuje predsjednik i zamjenik predsjednika kluba o čemu je email upućen svim političkim subjektima.

Predsjedavajući je zaključio rad Konstituirajuće sjednice Općinskog vijeća u 10:20 h.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Emir Zaimović

**PREDSEDVAJUĆI
OPĆINSKOG VIJEĆA**
Slaven Katičić